



830821

敦孝堂叢刻書目

福州薩氏藏板

分體雁門集六卷補遺一卷

湘南吟草一卷

硃批雁門集六卷

望雲精舍詩鈔一卷

雁門集編注十四卷

漢趙氏孟子章指復編一卷

雁門集別錄一卷

甲子歷術編解一卷

雁門集倡和錄一卷

先芬集一卷

敦孝先生事實一卷

雁門薩氏族譜八卷 未刻

白華樓詩鈔四卷

白華樓詩鈔箋註四卷 未刻

白華樓焚餘稿一卷

焚餘稿箋註一卷 未刻

白華樓附錄一卷

珠光集四卷

荔影堂合鈔四卷

白華樓詩鈔

白華樓詩鈔序

嚴滄浪云詩有別才非關書也詩有別趣非關理也然非多讀書多窮理則不能極其至卓哉是言乎犛牛不可以執鼠干將不可以補履鄭刀宋斤遷乎地而弗良楯梨橘柚味相反而皆可於口此別才之說也五沃之土無敗歲九成之臺無枉木飲於江海杯勺皆波濤採於山藪

白華樓詩鈔

序

一

尋尺皆松樅此多讀書之說也解牛者目無全牛畫馬者曾有全馬造弓者擇榦於太山之阿一日三觀陰三觀陽傅角纏筋三年乃成學琴者之蓬萊山聞海水瀕洞山林杳冥一動操而爲天下妙此多窮理之說也故才不僑則意凡學不豐則詞儉理不博則識褊古大家之爲詩雖風格各殊顧於是三者必有所獨至然後其

騰實大而收名遠而世徒執別才一語爲滄浪
詬病抑過矣

清興稱詩於吾鄉者無慮百數十家然必以張
超然藍君漪爲巨擘在近日又以長樂劉次北
侯官鄭西灑鄭涵山閩縣林暢原薩檀河爲最
而薩子尤雄特薩子元鴈門直齋侍御之族故
酒狂然天真夷曠博聞彊記嘗著經史彙考小

白華樓詩鈔

序

二

檀弓金淵客話曲江雜錄補傅子補鄭荔鄉全
閩五代詩話皆淹洽可傳不幸燬於火其詩勸
有存者要之能具別才而兼學識三者也其爲
詩駿偉廣博譬諸快劍長戟之撞秘黃鐘大呂
之鏘洋大瀛吹波魚龍出没沃日蒸霞萬象澍
滉建章神明嶢嶢瑰麗銅鳳金爵照爛天表美
哉盛乎非薩子其孰能爲此哉抑吾聞薩子鼻

者宰洵陽時劇賊方薄城火攻符節相望咫尺
不一矢援薩子及其長子宗甫竭力守禦相持
七晝夜賊竟去已而四川總督某坐失機見法
薩子亦以賊過河論成蒙

恩援贖乃免歸而長子尋以勞天蓋人生安危
之機得失之故存亡哀樂之變莫大乎是求之
古三百篇則擊鼓清人之刺鴟鴞狼跋之憂詩

白華樓詩鈔

序

三

人往往蓄其隱而有所不能已於言今誦薩子
入秦以後詩無一涉身世怨尤語何也夫非深
於溫柔敦厚之旨于古詩人之教情不同而道
相合耶其視前世詞人之所爲不得志而牢愁
發憤者相去何如也薩子長余十餘歲交于余
將三十載又與余大父遊余知之最深嘗論余
詩其秀逸沈雄者殆合虞劉兩文靖爲一手此

所謂誘之使至於是余焉足以語此若薩子之
作乃誠遠與虞揚范揭四家接武而近視張藍
二子駸駸欲度其前者也世有知言如滄浪始
可與言薩子之詩哉

嘉慶十有七年壬申冬同里翁陳壽祺序

白華樓詩鈔

序

四

題詞

栗里歸來足嘯歌脫離宦海省風波恠來詩句
鮮成綺家世燕山薩照磨

玉軸牙籤海嶽儲雲煙過眼總成虛祝融相子
休嗟怨擬賀參元失火書

年弟林茂春

白華樓詩鈔

題詞

一

白華樓詩鈔目錄

卷一

古今體詩六十二首

卷二

古今體詩八十三首

卷三

古今體詩五十三首

白華樓詩鈔

目錄

卷四

古今體詩六十八首


光緒癸卯年從曾孫承鈺

仿原本重刊於武城官舍

嘉曦侍校

白華樓詩鈔卷一

閩中 薩玉衡



曾

詠史

漢興承二敝六經悉離棄廣川下帷生表章釐
失墜三策貫天人哀然羣儒粹後來高園燔禍
首倡災異大興淮南獄詎合緩刑意遂開陰陽
學假經託象類宣元搯其成哀平踵其僞申福
白華樓詩鈔
卷一
一
十二應炆龍表符瑞卒使炎祚傾紫蠹分閨位
學術吁一乖窮經遺世累

張悌殉身時謂苟名賢顧戴淵投劍泣乃感知
已悟南風無停披衆卉藉吹煦東海不擇流百
川有歸注綸氏煽大治千人受陶鑄師友得荀
陳高風天下慕南陽樊德雲驥尾不容附清流
喜自居惜哉人踐汙謾謾松下風龍門悵難遇

漢駕倏西遷公卿逼搶攘立壇紀北魁名士釀
鈎黨嗚呼二十年文章舉漂蕩有識戒危言先
幾處平壤鴻鵠已高翔龜龍孰爭長不見墊角
巾遠嗣洪崖響不見蓬萊居蕭然楚狂想

鈎龍臺

吾聞龍可參劉累世其工

說文工官也

又聞龍可鈎

越王擅英雄如何朱泚漫千金散無功高臺何

白華樓詩鈔

卷一

二

龍從龍去臺亦空秦鹿失已久誰談楚重瞳赤
蛇今又死誰識隆準翁我懷太古意悲歌莽蒼
中劍戟沈海雨旌旆天風大江枕其下怒轉
如靈靄霸圖千秋事一碎夕波紅懿彼垂竿者
寥天但飛鴻

遊石鼓山雜詠

浴鳳池

師來曾徙龍師去豈鞭鳳至今池水清寂寂山
鳥哢

雙髻石

鬢陀雲作頂雙髻不用縮君問四大軀假合本
成幻

喝水巖

憑誰更喝回一慊幽耳賞蒼巖寂無聲風松作

白華樓詩鈔

卷一

三

泉響

石門

峭立自古今嵯岬無開闔與證不二門林風吹
脩颯

簫灣嶺

石腹脹如鼓巖頭懸若鐘何當一撞伐直作三
日聾

劍石

千載山爲砥觀者勿求痕神工誰鑄出割此煩
惱根

白雲洞

洞門日常開雲氣時欲暝無心自去來一片落
清磬

放生池

白華樓詩鈔

卷一

四

矯俗有乞伏施生有孟簡人人藏衣珠誰歟具
慧眼

送陳忠九歸義溪

晏嬰不滿六尺軀公然意氣籠萬夫撐腸拄腹
五千卷神充不作懼儒懼比來接席經幾載遊
遊日夕忘飢飭攀嵇覓呂競一笑興來呼酒黃
公鑪僧牕石壁每題句句成往往傾吾徒忽然

掉頭義溪去夢隨風雨淪菰蒲霜寒雪落歲已
晚歸心飛逐征帆孤白鹿山高紫翠錯烏龍江
淨琉璃鋪看君用意代君語伊優堂上胡爲乎
我亦從來膽氣餒驅不受胡奴租布衣脫粟
本有分我輩豈作鳥窺笈義溪有水如醍醐義
溪有山腴不枯義溪溪堂樹扶疎春深花密禽
相呼知君歡樂無時無

白華樓詩鈔

卷一

五

義犬行

連江有販海者見一人牽犬就屠犬悲鳴
狀若畏死販民惻然償其直以歸後遇盜
貨爲盡掠囊販民擲於海盜去犬泅海銜
囊至灣旁跳號不絕聲聞者尾至所在開
其囊闖然人也販民以是得甦事聞於官
盜皆偵獲無脫鄭涵山作詩示予予用其

韻答之並告世之無故殺生者

二儀懷好生萬類育不暴爲善信最樂遠施豈
求報連江販海夫目未睹訓誥一犬雖就屠細
之孰戀嫪惻然償其直汲汲防悔悞辟疆感齧
鯨千古同聲悼一念動自天天隨理亦到古人
戒殺生渡淮遂其禱柔嘉物之心豈第神所勞
不見彼販夫中流困羣盜杳然海天寬人跡時
遠埽貲飽虎狼貪身提魚鱉犒性命吹秋毫魂
魄搖風燼萬死僅一生死生勢則趨何圖一海
葵僥倖入溟澳狎波驚浮鷗喘汗意桀驚急難
非汝能無濟亦汝操義憤居兩全狂情可三噪
呂梁雖險惡忠信真可冒精衛填寃心誰能測
所造終焉獲大姦聞者色凋耗豈脫鼓刀時曾
以鼃獄告騰擲如有知此義疇誨導人懷育物

心此心泣覆幬投復自古今響應逾檄號此理
塞人間紆迴無顛倒的尾咋盤蛇黑龍火可蹈
神妙到荒唐往往臻理奧無故勿擅殺聖賢謹
嗜好東坡泣韻詩豈獨諷陳慥

哀猿吟

臺灣人畜一猿其子誤墮沸釜中糜爛焉
母猿悲號隨絕又有一猿生子或攜去月

白華樓詩鈔

卷一

七

餘遣還母猿見之跳躍叫嘯已復攜之他
所卒亦悲號其子以死涵山並有詩索和

云

猿鳴哀猿鳴臺山可崩臺水傾何如巴東淚
三聲淚三聲爲三嘆猿母傷兒釜中爛哀哀騰
擲死卽休死去身休魂猶寘一猿失其兒相見
喜還期終遭桓溫卒殞身爲增悲兩猿此時腸

寸荆死者誰憐長不返爾皆狡獪坐情亡母無
不慈子當反山中秋雨栗葉飛王孫遊兮歸不
歸

陳秋坪畫洛神

不畫針神畫洛神芝田館外采旄新三臺笑煞
張燈火君豈黃初作賦人

題鄭嵎津陽門詩注

白華樓詩鈔

卷一

八

三藏袈裟絲縷紛羅公幻術果希聞如何環上
逢山鬼不爲官家發六軍

承平故實出村翁樂史陳鴻二傳同獨愛行宮
小詩句白頭閑坐說元宗

海棠初開次東坡定惠院東韻

種之奇者會稽木不嫁江梅媚幽獨偶然林際
倚新妝顛陸顛花叫絕俗

陸放翁有被人喚
作海棠顛之句數

朶輕盈致自好看花何必萬花谷含情無語笑
嫣然吟對一枝春滿屋有如妃子出沈香睡起
枕痕紅印肉又如華清新浴罷醉骨妖嬈力不
足綠綃襯曉意婆娑紅袖低風態柔淑賞兼分
外知者希老樹苔皮半空腹東坡昔遊黃州山
偶看此花忘看竹清詞麗句脫手成難得閒吟
好題目向來詩人例好事獨怪子美空居蜀我

白華樓詩鈔

卷一

九

且作詩和坡老豈較壤蟲與黃鵠趙娘原是此
花身安得起之歌一曲東君著意膩胭脂乞借
春陰莫催觸

讀書廉山草堂時密如弟養疴於此

門遶湖山閉薜蘿蕭然病榻斷人過我來欲證
真如性試與君歌一鉢歌

肇鰲姪遊大梁

琴劍銷磨絕可憐何人詞賦擅翩翩却秦古有
侯嬴隱救趙今誰魏忌賢千里客懷瓜蔓水一
心鄉夢荔枝天繁臺獨上愁斜日歸救陂龍卽
是仙

園橘熟多被隣童摘取述事戲作

西窗掛夕陽玲瓏照孤坐喫人香霧霏風味如
炙輠吾聞今年冬此種不蕃夥暑雨殘其實秋

白華樓詩鈔

卷一

十

颺雜沙堞喜此瀟湘姿滿林酣霜朶東隣羣兒
童踰牆肆摧墜筐籠各有攜騎危不驚墮防之
却甚真誰能保帖妥援面笑與言且慰息慚懼
江陵數封君千絹不到我頗聞陸家兒懷中亦
落果頗聞范伯圭筍菘任負荷撲棗灑西隣杜
翁無不可小如黃羅包大似丹砂裹平分兩無
妨視此三百顆

贈鄭涵山

繳者仰身目鴻飛釣者俯身坐石磯織者漸進
錦滿機耕者漸退稻梁肥俯仰進退各有態所
期成務初無違丈夫功名是處有蓬蓽豈真無
發揮君才權奇領神駿屢蹶都門失錦鞮李蔡
下中競通顯相如白璧且完歸問君柏馬誰褒
譏問君木雁誰是非伯陽之言我嗟歛相知不

白華樓詩鈔

卷一

十一

貴貴知希

舟中

殘月淒將曙寒光半入牕風高秋在樹人定夜
聞江茅店鳴雞起沙汀立鷺躩孤燈照無睡舟
子語煙艫

繫舟琅崎感賦

琅崎山帶海山高潮去潮來雷石豪平地何曾

銷險阻壯心甘欲試波濤浮湛洗翅呼雙鳥續
縵沈竿釣六鼉我意雲中汗漫客豈應舉臂掉
盧敖

回舟至馬頭江北風甚勁俄頃復平戲

作短歌

昔日馬江去擊楫叩舲破清曙今日馬江歸惡
風白浪高崔巍石非淫豫健於馬江險瞿唐不

白華樓詩鈔

卷一

十一

可下石馬羣飛騰萬槽天意傾覆存波濤吾舟
十丈作蛟舞健帆戰風如嘯虎白摧朽骨鬼神
奔星斗在天雷雨怒須臾水面平如油江風淅
淅江天秋燈火隔船人語靜月波夾岸櫓聲柔
回頭險阻同夢寐始信一噫等遊戲大小正倒
胡不齊視彼砥孟與珠圭

舅氏鄭仕敦先生自粵東歸遇盜得解

賦呈一首

歸帆失戒尉佗成千里羈魂痛定驚未必世途
寬我輩可憐羣盜尙人情戴淵跋扈投知已李
涉飄零賴盛名轉笑空囊生計拙枉拋十畝誤
躬耕

和陳九成冬夜記遊韻兼答啓嘉招登

五峰之約

白華樓詩鈔

卷一

十三

歲云暮矣朋盍簪冬醪抱甕味醅醅

酒經言冬月釀酒令

人抱甕速成而味好

孤愁正坐無侶伴霍然起我三眠蠶

渴狂怕作文字飲酒軍先欲收襜褕一時聲欬

風雷發空堂暖熱如春酣回頭罷席霜滿眼寒

風吹空天蔚藍諸君得酒清興動要散腰脚除

駢驂夜遊不用更秉燭六街月浸金波涵本來

無價豈錢買世士所棄容吾探醉尉不呵人跡

掃玻璃踏碎驚驂驪霜力折綿酒力怯遊興尙
作強秦貪須臾歸來月宮閉麗譙鐘鼓聲鏗鏘
陳生好事勇過我伸紙怪作驚人談燦然驪珠
一百一婆娑簸弄海波南人生搏沙放手散莫
以一聚成優曇五峰仙人卧茅庵折梅犯雪來
層嵐丈夫不肯署紙尾區區畫諾吾猶堪

東張變軒在葉毅菴先生安徽學幕

變軒

白華樓詩鈔

卷一

十四

爲先生
快婿

使君冰鏡照湖濱帳下論文半茂親賦海元虛
推後進過江白璧屬何人杏花門巷鶯聲老柳
絮煙波燕子春千古二喬得佳婿吟詩喜對皖
公新

采石宮袍李謫仙北樓最憶謝公賢縱橫大有
三千首煙月銷歸二百年名士胸懷如赤玉才

人家世況青錢琴溪六六多充使爲趁寒潮孽
錦箋

五峰山房招啓嘉

去年君卧五峰曲我未從君把芳醪今年我對
五峰青又恨少君同入林人生人地天位置天
識吾曹愛山意要將兄翁迭主賓巧與參商作
游戲聞雨樓中自校書春風何日下樓居登山

白華樓詩鈔

卷一

十五

雙攜靈運屐下澤一命少游車山人特來作山
主山向山人爭媚嫵由來俗子厭逢迎幾見高
人入官府意氣軒軒龔與劉文章才地騁驩驩
越人居越說天姥海客習海談瀛洲五峰亭亭
立五鳳追逐仙兄躡飛鞚山花點草繡成茵山
鳥窺簾促開甕請君莫作東方癡三冬文史不
救飢請君且作蘇門嘯三百青銅買一笑人生

安能長年養病若吳季重又胡爲鬱鬱憂傷若
盛孝章放歌賴有北山崗來乎來乎虞仲翔

曉起卽事

昨宵困鬱蒸汗卧氣如縷起視河漢明片雲無
處所三更林響交槭槭動牕戶欹枕遠聞雷電
光翳復吐稍從夢魂蘇未覺蚊蚋苦曉來遶溪
行金碧淨沙土別澗流潺潺前山一夜雨

白華樓詩鈔

卷一

十六

秋懷

菊瘦霜高蟋蟀悲乍驚未老鬢如絲煙霞自昔
耽成癖風雨平生有所思愛水頗關鷗性浚看
山翻喜馬蹄羸一秋長負騷人興去向誰家倒
接離

幔亭紀句

避秦三十六峰居漢主新修封禪書未識幔亭

高宴日仙厨曾否辦乾魚

賓雲曲散嘯林猿老盡西溪毛竹根可惜虹橋
今斷絕重來下界幾曾孫

霞禱雲裊倘再開茶烹京挺薦呼來

泉名見
山志

板

師拊板歌師唱今日人間更可哀

佟毓華畫鷹

昔者孝行畫鷹鷹欲作殺氣稜稜避鸛雀今日

白華樓詩鈔

卷一

十七

空堂起雪霜怪底平沙開朔漠西風萬里風蕭
索百尺撐雲木葉落躩身孤立瞰空茫勁翮雙
調待擊搏飛揚跋扈勢可呼嘴蓄精銜爪屈鏹
我想佟君羸磅礴我愛佟君畫不惡凜然如對
古將軍英武不在設韜畧又如立朝古端士威
望亭亭忠諤諤鷹乎鷹乎胡爲閒處著時平縱
不用衛霍殿上豈可容婁郝

題高固齋毛西河前後觀石錄

文士誇新奇出意事編輯游戲弄文翰流傳病

國邑茶錄與荔譜識者為鳴悒種禍到山根燎

原火誰戢壽山產石奇五色燦可挹吾讀勉翁

詩已愁斧斤及黃勉齋詩石為後來宋坑填掃

跡榛路蹊五花坑去壽山十里宋時以寂寥數

百載喘息得噓吸採取病民縣令輦石塞之國初諸詩老焜耀爭拈拾

白華樓詩鈔

卷一

六

謂西河竹垞初白諸君

物華不自獻一呼萬眼集在遠括

者多當官伐之急自康親王恢閩以來凡將軍督撫下至游宦茲土者爭相

尋覓山中傭工日干指

遂使牙儈豪石重價倍什甚至賤

丈夫販售紅錦襲康熙戊申陳日浴字子榮故黃門子賈糧採石載至京師

售千金 小品印篆鈐高材屏山豈甘犯虎豹嗥導

為羔雁執輪錢忍關津兼金寶籐笈田洞劓已

空磬岩更深入刻骨奪天慳頑荒聚鬼泣地脈

關根本元氣必靜翁佐嶽冥理通守土宜加緝

嗚呼志方輿閩產已首立

方輿勝覽於福州土產首載壽山石

醉歌行戲答啓嘉

君不見岱輿員嶠兩神山六鼇釣去沉波間又
不見酸棗蓬萊幾反覆蛟龍乾死森林木如何
不飲瞠兩目坐看日月雙轉轂雲冥冥兮風肅
肅蟲書號兮鬼夜哭木石之人髮亦禿萬斛載

白華樓詩鈔

卷一

七

酒不載愁但愁酒國不封侯據床便啜八百里
葡萄豈博西涼州開長筵選大戶脫熊冠劈麟
脯君醉歌兮我醉舞蕭史席前吹鳳簫繡衡堂
上撾鼉鼓君醉舞兮我醉歌我歌今與君殊科
已落之葉無返柯東流之水無回波君欲不飲
將若何控鯉誰琴子高跨龍誰安公陶重樓遂
殿仙之家我揖仙人贈瑤華手斟玉斗頭簪花

拍肩大笑翻流霞

次韻靳韜齋人日越山書院看梅

花經臘後領羣芳也復題詩到草堂壓帽何如

簪綵勝當筵莫使舞山香團情團思臨斜月李羣

玉人日梅花詩有團情團思媚韶光及玉鱗寂寂飛斜月之句無雨無風笑向

陽梅譜笑春向陽最是越峰峰畔樹伴人醉醒替人狂

楊誠齋咏梅句

白華樓詩鈔

卷一

二十

九仙山

勢分烏越鼎三山騎鯉真人何日還樓閣春風
明海島旌旂夜月擁仙班巖頭馬去雲千縷池
畔鴉飛水一灣上界鐘聲下界度遊人指點暮
煙間

閩宮詞

鷓鴣家建國舊山河島嶼樓臺浸碧波軍府新開

大都督兩朝天子錫瑀戈

審知

登庸樓上鼓鐘催鳳詔重重闕下來今日旌旗
聞出餞拾遺又賜錦衣回

招賢院立四門開八族衣冠一代才自是君王
能養士肯教狎客孔江來

料得夷蠻估客來貢船針指出登萊海師一夜
因風雨報道黃崎新港開

白華樓詩鈔

卷一

三

擲碎玻璃忍不看國家經費念艱難軍中敗袴
無由補酒庫親收醉袋殘

雲開寶相夢諸天知爲君王廣福田衆願合成
新法界十三鑪冶鑄金仙

張燈大舖宴輝煌夜半君王到暖房不費黃金
買詞賦買絲也合繡冬郎

延鈞

被袂流觴又永和

龍啓三年
改元永和

蘸波香影簇宮娥

桑溪不少穠桃李今日春風屬綺羅

擎來筐幣自金陵千鑷吳蠶一片冰曉事內人
語花絹就中知誤不云綾

百道階通蕭寺街涅槃佛子最銜悽中元歲歲
孟蘭會薛老峰前更近西

黃金布地白龍祥曉事人啣蔡侍郎堂牒除官
真利市齋壇先祀水西王

繼鵬

白華樓詩鈔

卷一

三

睡眼麻茶對鏡臺玉階履迹掩春苔君王紙尾
批何語參政今朝疏不來

角瓜片飲不須觥長夜君王未解醒聞道相公
卧街市口中不住喚春鶯

延羲

重霄影落見層層布地黃金惜未曾每夜樓頭
沈月色一城七堦萬枝燈

石根如穗裊裊祥煙土貢宮中亦萬千寶局呈來

新鑄樣一時傳看永隆錢

過琅邪王墓

草昧英雄起崎嶇士卒驍錢戈雖有讖矢口早
成謠卜帥驚神劍榮封錫大詔艱難扶董氏恭
敬過王潮推轂屏藩重刊碑德政昭疲癯時一
振井賦藉長饒高卧三邊枕徠蘇百姓苗亂離
勤職貢兵燹絕征徭戎馬愁顏逼文章異數招

白華樓詩鈔

卷一

三

四門興學校八族附賓僚遺愛棠休剪貞操柏
後彫桃枝雲嶺亘菑昔霧峰嶢兔穴深多入魚
燈凍不燒衣冠誰守塚香火尙承桃玉帶成千
古銅符歷五朝秋麟蒙露泣夕馬借風驕寂寞
空行客蒼茫問老樵何如兒女恨脂粉滿山椒

寄鄭涵山莆中

翩然來讀草堂書梅深園邊夾深居應有吟懷

到雲侶乘潮好付九仙魚

望壺樓影抱山光丹荔垂街早晚香吟到君家
耕老句勾人六月國清塘

陳忠九劉文起敬如兄同訪啓新啓嘉

五峰山房

避俗攜書劍離家類遁逃地荒潛虎豹鄉樸間
豚羔鴻鵠無凡志騏驎夙共槽嶄然見頭角渾

白華樓詩鈔

卷一

三

欲養皮毛酒載西湖舫時從西湖泛舟抵北郊人尋北郭

騷水紋拖柿葉山色濯葡萄桃巖竇芳流乳原疇

澍渥膏風林千磴暝煙本五峰高池在疑歸鳳

坡垂儼伏鼈蓬門深似洞蘿屋弁如艘李架惟

堆卷張居不剪蒿竹窻青瑣碎榕逕綠櫺椽會

訪箋經去閒期品石遨五峰有箋經臺品石巖諸勝徘徊憐

野逸嘯傲脫塵勞正爾評花露旋聞送翠濤時村

翁送酒來

若翁可人意惡客豈吾曹

元結以不飲思酒者爲惡客

欲生軒輊時方用桔槔惟應軟而飽尙可老呼
饜丹荔垂千實蒼頭報一遭溪山常人夢賓從
擬重叨

詠史

伏甲何心元武門臨湖變後念諸藩可憐官府
輸寧薛花萼相輝倒玉樽

白華樓詩鈔

卷一

三五

陸郎得婦罷充華翻使辰羸累一家從此承恩
連姊妹壽王宮裏怨楊花

白華樓詩鈔卷一終

白華樓詩鈔卷二

閩中 薩玉衡 檀河

將入都別家兄敬如

萬里風霜一劍單
高堂白髮遠遊難
明知布被原奇暖
且說緜袍可救寒
貧子正當行色晚
衰親怕有淚痕看
銷魂況是江頭路
莫向茫茫感百端

白華樓詩鈔

卷二

自延平至五顯嶺感馬阮事成二絕句

北苑宗風說貴陽
猶勝賀誕錯題聲
如何不作

哥奴死血污三溪火亦狂

錢秉鐙所知錄馬士英斬於延平

西湖蟋蟀美人愁
何似春燈夜半酣
度嶺南來

無鄭尉誰知別有木棉庵

萬言編阮大鍼傳爲雷演祚冤報過五顯

嶺墜崖碎首而死

謁江文憲公祠

一別來茲土銷魂可奈何白雲遊子意淒水美人歌彩筆生無夢芳情託逝波有靈應識我僕恨較君多

建陽絕句

澤國山圍處士家舊時泉石好生涯我來一訪靖安寺落日寒雲有弔鴉

竹塢桃蹊占一區廬峰峰頂草堂居何時烹取

白華樓詩鈔

卷二

二

龍泉水讀盡麻沙坊裏書

梨嶺

路出三衢近回頭望建州如何嶺下水不肯向東流

富春戲贈賣魚翁

嚴陵山深鳴榔響驅魚截流下急網半江斜日風吹鯉翁呼賣魚掉來槳小魚戢戢如金梭大

魚垂頭僅及掌嗟翁以魚作耕養何不松江繫
吳榜不然賣船置繰車且去牽纜共婦紡翁看
此水清漣漪安得百金之魚翁張之

公羊傳百金之魚公

張之

釣臺

羊裘大澤高風足豈謂羊裘致文叔富春山下
瀨水清魚飯強於大夫祿不奉風雲赤伏符目

白華樓詩鈔

卷二

三

中豈識執金吾圖國非無范博士投書多事侯
司徒爰劉委政自元始草莽沈淪天下士吳門
隱卒有婦翁齊國幾人命男子東都接踵多賢
豪懷仁輔義迴滔滔真人倘識故人節釣臺何
似雲臺高嗚呼先生可友不可臣千載看人作
美新客星閣上客憑弔惜哉無問牛君真

西臺

柴市草已宿冬青花不開山川慟哭往朋友死
生哀事共烏鳶寂魂兮朱鳥來趙家留尺土落
日滿荒臺

汝社此遺民流離晞髮身詩應編甲子客是降
庚寅松柏猶悲翟桃花好避秦無家來許劍天
地有芳隣

過岳忠武墳

白華樓詩鈔

卷二

四

賀酒黃龍事竟空淒涼一闕滿江紅十年戰伐
歸三字五國鬻魂泣兩宮水咽西陵虛夜月枝
生南向怨秋風將軍不受金牌詔解甲丹庭死
更忠

舊井銀瓶事可傷金陀血淚洒家王一門忠節
凌秋日半壁江山付夕陽從此朝周無白馬幾
經換劫又紅羊英魂來往匡廬下不負前言到

五郎

朔風吹雪暗沙塵廳事親題百戰身史入北朝
書戍戍天教南宋屬庚申議和已久愁諸將誤
國當時豈一秦更恨埋冤不埋骨荒墳還說賈
宜人

佃客居然又一韓長城萬里北軍寒生逢知淡
明冤獄死遇周仙肯掛冠霜戟沈埋湖水冷雲

白華樓詩鈔

卷二

五

旗飄泊野燐殘翠微亭畔劍門道居士清涼淚
暗彈

謁于忠肅祠

三台山畔弔忠魂宣府傷心土木屯塞遠黃龍
同抱痛江寒白馬更沈冤局郎已死猶褒廟丞
相論功在奪門兩帝早時歌載路鷓鴣冰走泣
荒原

寓吳門偶成四絕句

紅燭笙歌笑點蟬洞庭風月太湖煙別來猶著

蘇州夢茂苑鶯花過五年

白樂天

明月清風四萬錢老梅有伴卜居聯黃柑紫蟹

秋攜酒瓢笠狂歌慶歷年

蘇子美

吳臺越戍久荒煙說虎盟鷗鏡裏天聞道鴟夷

扁舟去被人妒煞石湖仙

范石湖

白華樓詩鈔

卷二

六

一自春風到茜涇玉山簫管集羣英儒衣僧帽

行天下金粟道人顧阿瑛

顧玉山

真娘墓

生公石畔劍池邊買笑猶飛榆莢錢莫訝慈門

留冶葉桃花生世解參禪

雪到江南怨易消吳宮草綠鬪裙腰春風一鎖

芳華住閒煞姑蘇四百橋

吳王好劍術歌

千金鑄劍誇國寶
白日殺人如殺草
殺人如草劍有神
可憐殺人先殺身
君不見鑪中爪髮風
淒淒千將冶劍殺
其妻又不見吳鴻
扈稽者誰子金鉤
能飛二人死吳王
試劍胡爲爾國人
癡瘡泣相視茫茫
古血土花青煜煜
寒毛電光紫彗星
貫日戟交軋窟室
魚腸大逆理熊背
縛諸匹夫耳獨惜
伏戈在構李吁嗟
乎苧蘿之人入姑
蘇屬鏤又賜大夫
胥

睦州

蒼茫雲樹數歸鴉
丹嶂臨江落晚霞
記得來時春水碧
亂山殘雪映梅花

蒙陰道中

斜風細雨弄陰晴
麥飯相逢花滿城
今日行人

最惆悵蒙山山下看清明

揚州雜詩

歌館弋林邗水湄珠簾十里映金芝春風吹徧
江頭綠不似參軍作賦時

飲馬長江萬匹煙佛狸宮帳暗淮天可憐瓜步
山連戍落日寒潮唱卯年

景華燈幌不曾收丹鳥籠山照夜幽東郡可能

白華樓詩鈔

卷二

八

明月

盧明月

冷火旗都在殿西頭

花底流杯老一身玉梅不見武功春琵琶何處

空明月給諫山前絃管新

淮南定策倏蟲沙燕子春燈入內家最是銷魂

石城曲二分明月冷梅花

兩行小吏艷神仙

陳迦陵句

修禊紅橋碧漲天多少

十三樓下過風流不說杜樊川

崑山劉龍洲祠

湖海襟期絕代才上人好客滯燕臺
官廷抗疏情多感臣妾僉名事可哀
龍水聞歌建武去巍肩載酒浙江來
千金散盡還漂泊黃鶴樓前醉幾回

五人墓

海隅五百人盡爲田橫死寥曠已千秋
五人毋

白華樓詩鈔

卷二

九

乃是目未覩訓詞身不列
膺仕徵逐里巷間老死
牖下耳誰測方寸心居然奇
男子慷慨訟人

冤慘澹血相視勇激慶忌魂
義蹈要離軌

二人墓一

在齊門一胸藏萬古悲憤淚
到偷婢荆卿塞里

在閩門聞朱亥滿屠市一時吳趨坊
化爲齊軹里太湖

三萬頃頽波爲之起一擊碎堅冰
阜城陰魄褫朝廷罷鈞黨功波天下
士死義非死亂此語見

天咫山塘古名邱姦祠此其址苟無俠骨香尺

土猥蒙恥墓為魏闍 普惠祠吾知白蓮涇在吳縣周 忠介墳鬼

雄長慰喜

機山

君家起東漢文武光國步九葉鏘聲華宜為大

夏護金陵王氣終天意傾吳祚人情懷雋望在

此固無數離鳥悲舊林機贈從兄 士光句先人有邱墓

白華樓詩鈔

卷二

十

陸遜陸抗陸禕 墓皆在華亭無端太康末京洛緇染素羈宦

誰為心振纓銅輦路人道嶮而難況是多猜妬

取禍設笑間豈在按劍怒幸免廷尉議不念戴

與顧戴若思顧榮咸 勸還吳不從謂結成都歡會無金石固

貉奴能督否羣謗將安厝風水適然遭功名避

逅遇勁翮不自斂翻飛皆火樹裴松之吳志注 引機雲別傳謂

抗之克步闡也誅及嬰孩識道者尤之曰後世 必受其殃及機之滅三族無遺然考吳志陸抗

傳自將吏以下所請赦者數萬口且晉書陸機傳予爲反覆始末機之禍始于盧志終于孟玖孟超牽秀諸人衆口鑠金遂成奇禍機以九代卿族吳亡之日不能野哭自屏守先人邱墓乃委身閭朝禍至不可測千載而下曷勝浩歎

長吟招隱詩三復豪士

賦文章喜才多可惜爲身蠹黑憶入夢徵天地爲昏霧後來東海王討寃罪狀具此錯成邱山聚鐵將何鑄君門三世將道家所忌惡河橋收禍凶何必西陵故思鱸且休官唳鶴嗟自誤躑躅平原村千秋戒行露

白華樓詩鈔

卷二

十一

崑山

山邊二陸讀書堂春到人間百和香寥落液仙今不見提壺來問乞花塲

樓桑邨爲昭烈帝故宅

忠武廟前有老柏老柏盤拏榦如石昭烈邨南傳老桑老桑五丈如樓長魚水君臣時際會神

明正直人再拜天下英雄獨使君千古何人論
成敗杜鵑舊是蜀帝魂時或歸來風滿旆想見
童童羽葆蓋何必枌榆重豐沛

徂徠山下作

百里分嶽色長青壓三縣峪秀竹溪幽過之每
盈羨春風山路和往往逢僧練蓮塘水可漁龜
陰田可佃吾亦掉頭翁誰歎金閨彥

白華樓詩鈔

卷二

十三

平山堂同王蘭江陳昌萬許畫山宴集

平生雲水脚冥情負孤往文物況蕨蕤賓朋送
俯仰醉翁行樂處風流有餘賞竭來七百年草

木敬疇曩

東坡詩醉翁行樂處草木皆可敬

青山厭逢迎分外

向吾儂

又平山堂詩山向吾曹分外青

笙歌逐水開笑語亂禽

響何當醉千塲淮南春盎盎逝將捨之去平原
空莽蒼夕陽古道乾車馬羈塵鞅安得第五泉

一洗塵心塊落景踐徘徊廣陵月已上

東阿懷曹子建

客子由來最畏人

曹子桓詩客子常畏人說者謂畏子建奪嫡也

風吹

更作轉蓬身

子建詩轉蓬離本根飄飄隨長風

一家父子思袁

紹當日君臣怨灌均西館無媒躬自責東藩有

路分難親魚山清梵尋來杳詞賦千秋望洛神

離騷求處妃之所在子建亦屈子之志也

白華樓詩鈔

卷二

十三

易水絕句四首

鞠武謀迂創馬肝馬頭生角誤燕丹自從督亢

孟康讀亢作苦浪切全圖去風始蕭蕭水始寒

暨子難圖彼武陽薄游榆次早知亡千金七首

誇濡縷不及秦醫有藥囊

誰云生劫比盟柯羅縠單衣尙鼓歌畢竟秦妃

精劍術華陽空使泣宮娥

行水安能保一家金臺士去最堪嗟君看他日
韓仇復豈是收功博浪沙

寓古藤書屋絕句

孤負藤花數首詩花開花落幾多時人間都作

梧桐看道是從來宿鳳枝

屋爲金太傅舊第龔芝麓朱竹垞蔣京少

黃俞邵周青士先後寓此曲阜孔東塘詩云藤花不是梧桐樹却得年年棲鳳凰

槐花開過棗花殘桐帽蕉衫六月寒不是今年

白華樓詩鈔

卷二

十四

伏雨冷秋風容易到長安

秋懷二首

秋來嗟負季鷹魚翰墨吾疑計果疎

杜詩計疎疑翰墨

世事百錢司馬卜虛名一束杜陵書關山滿目

無來使風雨驚心有敝廬何日故園籬下菊白

衣相對賦閒居

憑誰一問竹平安事業蹉跎鏡獨看十口無田

吟飯顆重來呼渡厭
桑乾茅容有母貧
思養陶令生兒責亦難
永夜南雲勞悵望不堪心
逐鴈聲酸

柴市

黯澹塵沙晝不開
崖山風雨至今哀
白鷗有恨臣南拜
朱鳥何心寇北來
十義風高留石塔
三星折暗金臺
祥雲早入生前夢
無媿臚傳第

白華樓詩鈔

卷二

十五

一才

兗州城樓故址次杜韻

滿目紛多感
吾生愧遂初
一車過東兗
雙劍自

南徐

時自鎮江來

作賦思文考
分封想漢餘

兗州魯所都漢

以封恭王餘

杜翁臨眺處
懷古益踟躕

羊流店

驅車東封道
遙遙見荒壘
云茲太傅城
重是角

巾里折臂作三公冲素如白土裘帶抱春和千
秋兩顏子策成王濟杜預勲計豈賈充荀勗市

吳滅晉始亂此論吾不喜禍起夕陽亭啓留意

則儼

見賈充傳

一事玷白圭湛輩何足齒落日高平

山淒風汶河水淚墮別有懷吾憐銅雀妓

荏平道中

割遍黃雲麥上塲魯連村巷犢車忙不須夜飯

白華樓詩鈔

卷二

十六

愁行子飽受千畦餅餌香

涼雨初過濕軟莎葛衣風透日西斜馬蹄五月

重邱道不斷蕭蕭苜蓿花

臨清弔謝山人

樂府新聲說少年至今商調怨清淵千秋湘沅

盧生泣一曲琵琶賈氏憐鄴下諸王爭禮致濟

南名士失詩權誰將韋布論孤憤身後知交有

老錢牧齋

揚州絕句

朱鳥千帆鬥綵舟
衣香不散大隄遊
征遼只夢江都好
禪智山光博一邱
三十六封一笑休
逃藏何處問隋樓
開皇不少平陳業
只似雞臺夢裏遊

竹西歌吹最繁華
燈火分明十萬家
獨有廣陵

白華樓詩鈔

卷二

七

城上月夜來
孤照玉鈎斜

高郵絕句

明月揚州水
調空古祠
擘木澹煙籠
藕花香處
無人見
故送蕭娘一笛風

米碑無露筋姓氏徐文長蕭荷花祠詩謂

卽露筋娘娘施愚山云相傳爲鄭蕭二姓

潤州絕句

去年此日滯燕關
衰柳蕭蕭悵未還
今夜千秋

橋畔客月明坐對月華山

憩山寺

六月客程倦一庵佛火涼可知愜情性不在好
林塘崦嶮愁征路安便卽故鄉吾將問初祖何
日定行藏

答鄭涵山借鴈蕩山志

涵山有鴈蕩紀遊詩在志中

溧陽贊府永嘉客遺我圖經日討幽漫說溫台

白華樓詩鈔

卷二

六

落吾手

東坡次周邠寄鴈蕩山圖韻此生約有尋山分已覺溫台落掌中

不隨

春鴈住山頭

羨君濯足大龍湫潑眼飛崖瀉瀑流七十七峰
高唱入白雲驚起一天秋

與陳恭甫論詩并酬見贈之作

梅花丰骨是神仙十載論交最少年元祐詩才
過海壯永嘉名德渡江賢天生蛩螿相依負世

有夔虵總愛憐
解識八還無
變相不逢佳處亦
參禪

南史小樂府

田舍公

寄奴雖奇奴本是
田舍公
葛燈牛尾拂終建丹
徒宮

東秦州

白華樓詩鈔

卷二

九

十陵公家墳九錫
皇家策枉置東秦州
笑來王買德

狼居胥

壞汝萬里城而封
狼居胥
元嘉坐失政老儉來
元謨

猪王

麟奴有寧馨猪籠
誰解縛得食蜜鯁
鱣何妨開

眼諾

汝陰王

山陽與陳留不作零陵死昔取司馬家今有監
門子

同泰寺

見蚊如赤子佛法所淪墜荷荷欲何爲禍鍾同
泰寺

白華樓詩鈔

卷二

三

壺豆洲

殿角見鵠鷓狗子變獼猴折筆管不得直待壺

豆洲

燒圖書

擊闔生悲風燒書胡爲爾平生十萬卷豈謂韜
文士

都水臺

鳥嘴畫文出朱門當水開休嗟巴馬子皂莢洗
塵來

戲雙陸

援師來武成雙陸且遊戲食子急者誰殿下無
下意

北史小樂府

天女下

白華樓詩鈔

卷二

三

詰汾田草澤天女下天車九十九大姓力微無
舅家

逍遙園

今夜幸無他又愁到夜半可憐逍遙園不及逍
遙觀

剪惡馬

御人如此馬谷量彼何意赤洪嶺頭軍真穿介

朱鼻

唱高末

君聽洛下謠銅拔打鐵拔官中唱無愁官外唱
高末

普梨曲

兔碑意何居牛刀夢不告勿貪受禪文且唱普

梨曲

白華樓詩鈔

卷二

三

黃花落

滿酌對琵琶閒閒七寶車斷絃愁粉鏡休怨落

黃花

勅勒歌

鼠子將無畏驢鳴無奈何一朝劍督發淚落老

公歌

清河崔

鄭母稟素規房妻執道揆赫赫清河崔不鍾一
男子

祭河伯

水龍王士治能令江神懼地虎高敖曹不怕河
伯怒

洗夫人

上馬張錦傘下馬策奇勲壯哉馮聖母羞煞潘

白華樓詩鈔

卷二

三

將軍

客中病賦

北地風霜苦南方瘴癘侵平生寡道氣一病悟
禪心身世同鴛狗飛鳴渚禽君看莊舄顯猶
作越人吟

題陳總戎聽雨圖

中有萬竿竹

南威迫爻熱鞭雲思一灑桓桓陳將軍披圖得

心寫頃刻走雲雷竹枝紛拜亞空堂生陰寒羯
鼓聲在瓦岳夢憶蓮花白衣手雙把廓然豐注
心元感風雲假酒肺起杈柯河流洗兵馬莫語
定遠侯渠是食肉者

公性不嗜肉

送外兄張燮軒宰溧陽

神仙不籍玉京署笑揖仙曹作吏去世上久無
蕃露書袖中休出凌雲賦十年領解喚三頭沒

白華樓詩鈔

卷二

三

墨今看姓字留食豕早曾嗤隱豹烹雞暫且屈
函牛盤錯由來推利器採風去作宦遊記佩刀
異日識王祥捧檄而今見毛義千門萬戶春風
絃滿縣花開吏卽仙人世空傳僧佑譜君家自
有新吾編

惕菴姑丈著有學實政錄

君家大人文章伯談經

屢奪侍中席蓬壺給札萬選錢粵嶠專城一廉

石

姑丈乙丑翰林出宰鶴山香山新會高要揭揚昆明等縣

維君文采舊弓

裘銅章出宰續風流儘識循良推卓魯却令詞
苑說枚鄒木鴈之間果何據醬水不憎亦不譽
參佐誰當長史籌先生且借留侯箸先生今過
平陵城城下人能說李衡湖水光涵石屋冷梅
花香賽縣樓清 天子重君活國手況君更
是廉吏後憶我惟烹陽羨茶勸君多酌湘亭酒
長安牢落玉溪生歲晏何堪別杜兄夜月轉牽

白華樓詩鈔

卷二

五

天外思暮雲遮斷江南行江南千里

湖名在溧陽

蕪

羹味對酒沈吟增感慰瀨上或逢吹籥人山中
好訪騎驢尉君倚吳門望薊門萬里風吹碣石
昏他日我來碑在口爲君更賦圻山村

淵明采菊圖

寄奴小草綠連天漉酒何人解醉眠典午山河
留半畝秋光猶占義熙年

祖硯行

祖硯者

玉衡

諸祖直齋公畜也硯色青

紫石質滑膩長一尺厚約二寸廣二寸許

窞其底池狹而不深蓋出宋元間手製左

偏鐫天錫氏珍藏五小篆 先君令汝陽

時於張觀察諱學林公署中觀之注目良

久張曰欲歸宗乎卽遣歸 先君裹致衙

白華樓詩鈔

卷二

五

齋位之几席出則必以自隨今 先君棄

世垂五十年

玉衡

懼先業失傳雅道遂廢

因係長句勗來者於無窮云

帝鴻玉紐秘已久混茫不孕誰儲材文字嘉祥

生有數地不愛寶石胚胎陰崖想畫霹靂斧白

日飛走丁官雷物理所貴韜其采中含元德清

而裁元氣淋漓坤倪濕絲絲漏雨蒼雲堆磨礮

秋水斲山骨奎章製作追鄒枚

元文宗朝公為奎章閣應奉

翰林文字

映日瑤篇二十卷

鳳門集舊有二十卷今僅存六卷

紗帷

晝暖薰松煤帝青呵霧老蟾泣神光夜夜干星

魁白鵝書法世希見

陶南村書史會要謂善楷書惜余家不藏片紙

鸞翔鳳翥吳山隈

徐象梅兩浙名賢錄謂公於兩山間多有遺墨章之采

西湖志載詩行書刻在瑞石山紫陽庵

公有遊紫陽洞

列仙下讀五雲爛

二雅上揖羣賢哈斯文不滅石不泐先靈憑

白華樓詩鈔

卷二

七

式風恢恢聖武拓基渾河遠天眷西北鍾環才

德大延祐衣冠盛廉

希憲畏吾人

馬

祖常雍古部人

漢廷不

數蔡與崔公之文采應運出風華照耀參乾

台斯物義不落他姓謂非呵護神為媒不然豫

闔路脩阻山川不踈何由回五百餘年浩塵劫

雲煙過眼淒餘哀異代終歸先君有龍泉能

合珠能來蒼精勁氣敵瓊玖圭稜歲久遭顛踣

席南位置保帖妥焚香掛畫親隨陪飽霜討來

松雪齋集有大呼討來飛鳴
聲之句自注云國朝語謂兔吹芒出墨池飛雨

松花開冰壺玉尺晝相暎南金龜貝光低摧河

聲嶽色歸麗製已與 祖製材兼該 先君在汝陽著有

小雁門詩草 衡也好古生苦耽敢以片石招三災杜

陵詩派吾家事斤鉏何敢辭耘培豈必鸚之鵲
之眼豈必龍尾魏雀臺玉色金聲寓於此此正

白華樓詩鈔 卷二 三

喬祖遺孫孩當時君臣珍貝葉六籍且不沈寒
灰況今士胄軼幽鎬明光出入藻思催儒冠有
田不餓死硯田得歲歌薤稊便當努力鋤經壠
子孫勿使荒蒿萊嗚呼子孫勿使荒蒿萊

白華樓詩鈔卷二終

2
2.00



4

1.7

2.10